



Persónuverndarstefna Tónlistarskóla Reykjanesbæjar



Persónuverndarstefna Tónlistarskóla Reykjanesbæjar

Samþykkt í fræðsluráði Reykjanesbæjar 14. maí 2021.

Persónuverndarstefna Tónlistarskóla Reykjanesbæjar

Tónlistarskóli Reykjanesbæjar (einnig vísað til „tónlistarskólans“) hefur einsett sér að tryggja áreiðanleika, trúnað og öryggi persónuupplýsinga sem tónlistarskólinn vinnur. Persónuverndarstefnu þessari er ætlað að upplýsa nemendur tónlistarskólans og foreldra/forráðamenn þeirra ef við á, um hvaða persónuupplýsingar tónlistarskólinn safnar, með hvaða hætti skólinn nýtir slíkar persónuupplýsingar og hverjir fá aðgang að upplýsingunum.

Í stefnu þessari er jafnframt vísað til nemenda, foreldra og forráðamanna sem „þín“ og til tónlistarskólans sem „okkar“.

1. Tilgangur og lagaskylda

Tónlistarskóli Reykjanesbæjar leitast við að uppfylla í hvívetna skilyrði þeirrar persónuverndlöggjafar sem er í gildi hverju sinni og er stefna þessi byggð á lögum nr. 90/2018 um persónuvernd og vinnslu persónuupplýsinga („persónuverndarlög“). Skólinn kemur fram sem ábyrgðaraðili þeirra persónuupplýsinga sem unnið er með, nema annað sé tekið fram.

2. Hvað er vinnsla persónuupplýsinga?

Persónuupplýsingar í skilningi stefnu þessarar eru hvers kyns upplýsingar um persónugreindan eða persónugreinanlegan einstakling, þ.e. upplýsingar sem hægt er að rekja beint eða óbeint til ákveðins einstaklings. Gögn sem eru ópersónugreinanleg teljast ekki persónuupplýsingar.

Undir hugtakið vinnsla fellur öll notkun og meðferð persónuupplýsinga, s.s. söfnun, skráning, varðveisla og eyðing.

3. Persónuupplýsingar sem tónlistarskólinn safnar og vinnur

Tónlistarskólinn safnar og varðveitir persónuupplýsingar nemenda, foreldra og forráðamanna ef við á og eftir atvikum systkina nemanda.

Eftirfarandi eru dæmi um upplýsingar sem tónlistarskólinn vinnur um nemendur:

- nafn, kennitala, heimilisfang;
- mætingar;
- heilsufarsupplýsingar, s.s. upplýsingar um greiningar;
- upplýsingar úr námsmati, s.s. umsagnir og vitnisburðir;
- upplýsingar um annan skóla nemenda;
- upplýsingar vegna skipulagningar skólastarfs, s.s. bekkjalistar og stundatöflur; og

- ljósmyndir og myndbandsupptökur.

Tónlistarskólinn vinnur eftirfarandi upplýsingar um foreldra og forráðamenn:

- samskiptaupplýsingar, s.s. nafn, kennitala, netfang, sími, heimilisfang.

Einnig er óskað eftir upplýsingum um nafn systkins og kennitölu þess meðal annars vegna systkinaafsláttar og til að skapa hagræðingu í stundatöflu ef óskað er eftir því.

Auk framangreindra upplýsinga safnar tónlistarskólinn og vinnur aðrar upplýsingar sem nemendur, foreldrar og forráðamenn láta honum sjálfir í té, t.a.m. upplýsingar sem eru tónlistarskólanum nauðsynlegar vegna starfsemi skólans og vegna innheimtu skólagjálda.

4. Hvaðan koma upplýsingarnar?

Að meginstefnu til koma þær persónuupplýsingar sem tónlistarskólinn vinnur með beint frá foreldrum, forráðamönnum, greiðendum skólagjálda og nemendum sjálfum, en starfsfólk tónlistarskólans skráir einnig upplýsingar um nemendur, sem eru nauðsynlegar vegna skólastarfsins t.a.m. til að tryggja utanumhald um nemendur og hljóðfæri sem nemendur leigja af skólanum.

5. Hvers vegna safnar tónlistarskólinn persónuupplýsingum og á hvaða grundvelli?

Tónlistarskólinn safnar persónuupplýsingum um nemendur fyrst og fremst til að uppfylla skyldur tónlistarskólans á grundvelli samnings við nemendur, foreldra eða annarra forráðamanna um nám við skólann, sem og þær skyldur sem á honum hvíla á grundvelli laga og reglna.

Tónlistarskólinn vinnur eftirfarandi upplýsingar um nemendur á grundvelli samnings um nám við tónlistarskólann:

- nafn, kennitala, heimilisfang;
- upplýsingar um annan skóla nemenda ef við á;
- mætingar;
- upplýsingar úr námsmati, s.s. umsagnir og vitnisburðir; og
- hljóðfæraleygu ef við á.

Á sama grundvelli vinnur tónlistarskólinn samskiptaupplýsingar foreldra og forráðamanna. Veiti nemandi, foreldrar eða forráðamenn ekki nauðsynlegar upplýsingar við skráningu barns í tónlistarskóla kann það að leiða til þess að tónlistarskólinn geti ekki veitt fullnægjandi þjónustu á grundvelli samnings um nám við skólann.

Vinnsla tónlistarskólans á upplýsingum vegna skipulagningar skólastarfsins, s.s. úr samskiptasögu við foreldra og forráðamenn og upplýsingar um stundatöflur og bekkjalista, byggir á lögmætum hagsmunum tónlistarskólans.

Vegna notkunar myndefnis á samfélagsmiðlum og heimasíðu kann tónlistarskólinn að óska eftir samþykki foreldra og forráðarmanna barna undir 18 ára aldri en annars er leitað eftir samþykki nemenda sjálfa fyrir birtingu myndefnis. Ávallt er hægt að afturkalla samþykki fyrir birtingu myndefnis með því að hafa samband við skólastjóra.

Skólinn skuldbindur sig til að öll vinnsla á persónuupplýsingum um nemendur sé lögleg, sanngjörn og gagnsæ. Upplýsingum verði aðeins safnað í tilteknum, sérstökum og lögmætum tilgangi og að söfnun og vinnsla gangi ekki lengra en þörf krefur miðað við tilgang vinnslunnar. Vinnsla skal í öllum tilvikum vera nægileg, viðeigandi og takmörkuð við það sem nauðsynlegt er miðað við tilgang vinnslunnar.

6. Miðlun til þriðju aðila

Tónlistarskólinn kann að miðla upplýsingum til þriðju aðila vegna þjónustu þeirra við tónlistarskólann eða nemendur. Þar sem rekstur tónlistarskólans er í höndum Reykjanesbæjar og ýmis þjónusta við skólann er jafnframt fengin þaðan, kann tónlistarskólinn að miðla persónuupplýsingum til tiltekinna sviða bæjarins. Þannig kann tónlistarskólinn að miðla upplýsingum til fjármálasviðs vegna útgáfu reikninga og bókhalds og til skrifstofu stjórnsýslu vegna upplýsinga- og tölvumála. Í þessum tilfellum koma viðkomandi svið og tónlistarskólinn fram sem sameiginlegir ábyrgðaraðilar.

Þá kunna þriðju aðilar sem veita tónlistarskólanum upplýsingatækniþjónustu að hafa aðgang að persónuupplýsingum þeim sem skráðar eru hjá tónlistarskólanum. Þá kann myndefni að vera miðlað til samfélagsmiðla og þjónustuaðila heimasíðu vegna birtingar myndefnis á þeim vettvangi.

Þeir aðilar sem veita tónlistarskólanum upplýsingatækniþjónustu, sem og þeir samfélagsmiðlar sem notast er við, kunna að hýsa upplýsingar utan Íslands. Tónlistarskólinn mun þó ekki miðla persónuupplýsingum utan Evrópska efnahagssvæðisins nema slíkt sé heimilt á grundvelli viðeigandi persónuverndarlöggjafar.

Einnig kann persónuupplýsingum að vera miðlað til þriðja aðila á grundvelli laga, s.s. til Barnaverndar og lögreglu, eða til að bregðast við löglegum aðgerðum eins og húsleitum, stefnum eða dómsúrskurði. Afhending getur einnig verið nauðsynleg í neyðarástandi eða til að tryggja öryggi starfsmanna og nemenda skólans.

7. Hvernig er öryggi persónuupplýsinga tryggt?

Tónlistarskólinn leitast við að grípa til viðeigandi tæknilegra og skipulegra ráðstafana til að vernda persónuupplýsingar, með sérstöku tilliti til eðlis þeirra. Þessum ráðstöfunum er ætlað að vernda persónuupplýsingar gegn því að þær glatist eða breytist fyrir slysni og gegn óleyfilegum aðgangi, afritun, notkun eða miðlun þeirra.

8. Hversu lengi eru persónuupplýsingar varðveittar?

Tónlistarskólinn er afhendingarskyldur til Þjóðskjalasafns Íslands á grundvelli laga nr. 77/2014 um opinber skjalasöfn. Því er tónlistarskólanum óheimilt að ónýta eða farga nokkru skjali sem fellur undir gildissvið laganna, nema með heimild þjóðskjalavarðar.

9. Réttindi nemenda og foreldra og forráðamanna vegna þeirra persónuupplýsinga sem tónlistarskólinn vinnur

Þú átt rétt á að fá staðfest hvort við vinnum persónuupplýsingar um þig, og ef svo er getur þú óskað eftir aðgangi að upplýsingunum og upplýsingum um hvernig vinnslunni er hagað. Þá kann einnig að vera að þú hafir rétt á að fá afrit af upplýsingunum. Við ákveðnar aðstæður getur þú farið fram á það við tónlistarskólann að við sendum upplýsingar, sem þú hefur sjálf/ur látið okkur í té eða stafa frá þér, beint til þriðja aðila, s.s. annars tónlistarskóla.

Þá átt þú rétt á að fá rangar persónuupplýsingar leiðréttar. Réttur til eyðingar persónuupplýsinga er þó takmarkaður í ljósi þess að Tónlistarskóli Reykjanésbæjar er afhendingarskyldur aðili á grundvelli laga um opinber skjalasöfn. Undir ákveðnum kringumstæðum getur réttur til takmörkunar á vinnslu persónuupplýsinga verið til staðar, t.d. ef þú óskar eftir leiðréttingu á upplýsingum. Einnig getur þú óskað eftir því að tónlistarskólinn vinni ekki persónuupplýsingarnar frekar á meðan tónlistarskólinn sannreynir að upplýsingarnar séu í raun rangar.

Sé vinnsla á persónuupplýsingum þínum byggð á lögmætum hagsmunum tónlistarskólans átt þú einnig rétt á að mótmæla þeirri vinnslu.

Framangreind réttindi eru þó ekki fortakslaus. Þannig kunna lög að skylda tónlistarskólann til að hafna ósk um aðgang að gögnum. Þá getur tónlistarskólinn hafnað beiðni þinni vegna réttinda annarra aðila, s.s. til friðhelgi einkalífs, telji tónlistarskólinn þau réttindi vega þyngra.

10. Fyrirspurnir og kvartanir vegna vinnslu persónuupplýsinga

Ef þú vilt nýta þér þau réttindi sem lýst er í 9. gr. í stefnu þessari, þá vísast til umsóknarforms á MittReykjanés.is eða ef þú hefur einhverjar spurningar varðandi persónuverndarstefnu þessa eða það hvernig tónlistarskólinn vinnur með persónuupplýsingar, vinsamlegast hafðu þá samband við skólastjóra Tónlistarskóla Reykjanésbæjar. Einnig er hægt að hafa samband við persónuverndarfulltrúa sveitarfélagsins með því að senda tölvupóst á netfangið personuvernd@reykjanésbaer.is.

Ef þú ert ósátt/ur við vinnslu tónlistarskólans á persónuupplýsingum getur þú sent erindi til Persónuverndar (www.personuvernd.is).

11. Samskiptaupplýsingar

Skólastjóri Tónlistarskóla Reykjanésbæjar hefur umsjón með eftirfylgni þessarar persónuverndarstefnu. Hér fyrir neðan má finna samskiptaupplýsingar skólans:

haraldur.a.haraldsson@tonrnb.is

Samskiptaupplýsingar tónlistarskólans:

Tónlistarskóli Reykjanésbæjar
Hljómahöll-Hjallavegi 2
260 Reykjanésbæ
s. 420-1400
tonlistarskoli@tonrnb.is

12. Endurskoðun

Tónlistarskólinn getur frá einum tíma til annars breytt persónuverndarstefnu þessari í samræmi við breytingar á viðeigandi lögum eða reglugerðum eða vegna breytinga á því hvernig tónlistarskólinn vinnur með persónuupplýsingar. Verði gerðar breytingar á stefnu þessari verður slíkt kynnt nemendum, foreldrum og forráðamönnum á sannanlegan hátt.

Allar breytingar sem kunna að verða gerðar á stefnunni taka gildi eftir að uppfærð útgáfa hefur fengið samþykkt fræðsluráðs.



REYKJANESBÆR
Í KRAFTI FJÖLBREYtileikans